

Nunc mihi Tarpejas quantumvis Juppiter arces
Objice, & illa tui mœnia Martis, ait.

Si pelago Tybrim præfers, urbem aspice utramque,
Illam homines dices, hanc posuisse deos.

I I. Syncretis: ut, Primi nostri parentes lapsi sunt. Diabolus illis lapsum suavit; nec solùm suavit, sed ad illum ipsos impulit. Homines miseri assenserunt. Quid tu, si loco primorum parentum fuisses, aliud te facturum fuisse putas? Deus pro inscrutabili suâ justitiâ, quam scrutari nefas, adorare religiosum, labi primos illos homines permisit. Non igitur permissionem Dei accusa, ô homo lumbrice miser, & assensionem protoplastorum excusatum i; sed te & Satanam rebellionis & criminis læsæ divinæ majestatis argue. *Item*: Multa debemus parentibus à quibus vitam hanc secundùm Deum accepimus. Multa patronis, qui vitã nostrã defendunt. Plura præceptoribus, qui benè vivendi rationem docent, adeoque animæ vitam è cineribus veluti excitant. Deo autem plurima, imò omnia, qui & nos, & parentes, & patronos, & præceptores imbre suarum miserationum perfundit singulis momentis, & sua in nobis coronat dona quàm liberalissimè.

I I I. Conglobatio; ut, Philippus Rex Hispaniarum provincias Belgicas cõmisit Duci Albano gubernandas. Albanus introduxit inquisitionem Hispanicam, & leges fundamentales de avitã libertate illorum violavit. Deus in cordibus multorum zelum pro religione accendit. Belgæ libertatem retinere proq; illã pugnare sibi proposuerunt, & summam rerum penes Wilhelmum principem Auroicum esse voluerunt. Hinc extitit bellum illud toto orbe celebratissimum. *Hoc modo bella describuntur, & Sacramenta in Theologicis. Talis conglobatio est in illo exemplo*: Homines paulò ante diluvium in peccata pleno impetu despumabant, præconem justitiæ Noachum contemnebant, in peccatis sibi placebant, illa quin etiam defendebant. Deus itaque prout est justus osor & ultor peccati, hunc sui contentũ punire volens, exercitum cœlestem instruxit & armavit potentissimè adversus homines illos immorigeros, & fenestris cœli adperts totum terrarum orbem cataclysmo perdidit. *In duobus hisce exemplis habes causas impellentes, principales & instrumen-*